

Tajuk : Unimas paten produk inovasi pelajar

# Unimas paten produk inovasi pelajar

KOTA SAMARAHAN, Rabu — Universiti Malaysia Sarawak (Unimas) akan mematenkan produk inovasi dan kreatif yang dihasilkan oleh pelajar, kakitangan dan penyelidik di universiti berkenaan bagi mengelak ditiru pihak lain.

Naib Canselor UNIMAS Prof. Datuk Khairuddin Ab Hamid berkata, Unimas mempunyak hak untuk setiap reka cipta produk inovasi dan kreatif yang dihasilkan oleh pelajar, kakitangan dan penyelidik di universiti berkenaan.

"Kita boleh komersialkan produk bersama sama dengan rakan rakan industri, menjual hak milik dan idea dengan syarat ia mendapat persetujuan bersama, kita tidak mahu produk yang kita hasilkan dengan mudah ditiru atau diambil orang laian," katanya.

Beliau berkata demikian ketika menhadiri sidang akhbar sempena Persidangan Reka Bentuk dan Inovasi Antarabangsa Kali Pertama 2012 (1stICDI 2012) di DeTAR Putra UNIMAS di sini hari ini.

Katanya, dengan mematenkan produk harta intelektual yang dihasilkan UNIMAS akan lebih terjamin bagi mengelak ia ditiru sewenang wenangnya.

"Selaku sebuah universiti yang berteraskan penyelidikan kita sentiasa mencari kaedah terbaik melalui penghasilan produk inovasi dan kreatif yang boleh memberi kebaikan kepada masyarakat sejagat," jelasnya.

Khairuddin memberitahu pemain industri boleh melihat sendiri kreativiti produk Unimas melalui pelbagai pameran yang diadakan di dalam dan luar negara.

"Melalui pameran dan pertandingan yang kita serta pemain pemain industri boleh menyaksikan kreativiti kita dalam menghasilkan produk inovasi dan kreativiti," katanya.

Katanya, keupayaan Unimas sebagai sebuah universiti penyelidikan di rantau ini diterjemahkan lagi dengan kejayaan memenangi 11 medal emas dan lima anugerah khas di British Invention Show(BIS) 2012 yang diadakan di London pada 24 hingga 27 Oktober 2012.

"Kejayaan bersaing dengan 20 buah negara yang mengambil bahagian pada pertandingan itu membuktikan Unimas adalah sebuah universiti yang terbaik dalam bidang penyelidikan," ujarnya.

Menurutnya lagi, projek yang dijalankan Unimas bertajuk Wearable Sleeping yang diketuai Norhayati Suleiman telah memenangi Anugerah Permata, selain memenangi satu Emas Berkembar, dua Anugerah Emas

Berkembar.

Berkenaan dengan persidangan itu, katanya, ia adalah untuk menyediakan platform kepada penyelidik dan ahli akademik untuk berinteraksi dan bertukar pendapat dengan golongan profesional dari pelbagai bidang seni, sains dan teknologi.

"Selari dengan tahun gerak inovasi negara 2012 saya percaya menerusi per-

sidangan ini juga kualiti penyelidikan dapat dinilai dan disebarluaskan demi pembangunan masyarakat saintifik yang dapat menyumbang kepada model baru ekonomi negara," katanya.

Menurutnya, persidangan itu juga diharapkan dapat membantu mengenangkan idea berasas dan hasil penyelidikan tenaga akademik dan penyelidik untuk kegunaan industri dan masyarakat.